



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-609-5/23**
Datum: **29.01.2024. godine**

«Agencija za vodno područje rijeke Save» Sarajevo rješavajući po zahtjevu Investitora TIM „SMAJIĆ KOMERC» d.o.o. Travnik za donošenje rješenja o vodnoj dozvoli za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za držanje i klanje krupne stoke i preradu mesa i depoa za privremeni smještaj stoke koja se nalazi u naselju Dolac na Lašvi, općina Travnik, na osnovu člana 109. stav (1) točka 2. i stav (2) točka 1. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru TIM „SMAJIĆ KOMERC» d.o.o. Travnik za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za držanje i klanje krupne stoke i preradu mesa koja se nalazi u naselju Dolac na Lašvi, općina Travnik, na zemljištu označenom kao k.č. broj: 3915/3, K.O. Travnik, općina Travnik.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav (2) točka 1. i 2. Zakona o vodama.
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se đubrivo iz štale za prihvata stoke, a nakon sazrijevanja u izgrađenom betonskom spremniku (laguni), aplicira na poljoprivredne površine u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 3.3. Da korisnik navedenih objekata za vrijeme trajanja ove dozvole, osigura da se otpadne vode iz klaonice kao i sa vanjskih manipulativnih površina nesmetano sakupljaju i odvoje do objekata predviđenih za tretman otpadnih voda, a zatim ovako tretirane vode ispuštaju u mjesnu kanalizaciju s ispuštanjem u recipijent, rijeku Lašvu.
 - 3.4. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz taložnika i separatora ulja i masti, neophodno je voditi službenu evidenciju i arhivu.
 - 3.6. Da se u toku važenja ovog Rješenja poduzimaju adekvatne mjere kako bi parametri prečišćenih otpadnih voda bili u skladu sa dozvoljenim vrijednostima propisanim Uredbom o uvjetima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20 i 1/24), Prilog 8.
 - 3.7. Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.8. Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.9. Zbrinjavanje otpadnih materija, koje se mogu javiti u tehnološkom procesu (kosti, papci, rogovi, iznutrice, krv i drugi otpad od klanja), vršiti u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.10. Krv od iskrvavljenja, nakon klanja, sakupljati u posebne posude adekvatnog kapaciteta i sa odgovarajućim poklopcem. Konačno zbrinjavanje krvi vršiti u skladu sa propisima iz oblasti veterinarstva.
- 3.11. Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.12. Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Otpad koji nastaje u postupku klanja i obrade trupala kao i drugi nusproizvodi, te mulj iz postrojenja za prečišćavanjem otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.14. Da se za sve izgrađene objekte od nadležnih institucija ishodi upotrebna i okolišna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik TIM „SMAJIĆ KOMERC« d.o.o. Travnik je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godina od dana pravosnažnosti rješenja.
11. Prije isteka važnosti ove dozvole vlasnik poduzeća TIM „SMAJIĆ KOMERC« d.o.o. Travnik, dužan je da zatraži izdavanje nove vodne dozvole.

O b r a z l o ž e n j e

Investitor TIM „SMAJIĆ KOMERC« d.o.o. Travnik, podnio je zahtjev za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje

tehnoloških otpadnih voda iz objekta za držanje i klanje krupne stoke i preradu mesa koja se nalazi u naselju Dolac na Lašvi, općina Travnik, na zemljištu označenom kao k.č. broj 3915/3, K.O. Travnik, općina Travnik.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 051-0-RegZ-12-001993 izdanog dana 19.12.2023. godine od strane Općinskog suda u Travniku,
- Ovjerena kopija Uvjerenja o registraciji/upisu u Jedinствени registar obveznika indirektnih poreza broj: 04/1-UPJR/1-33066-/07 izdanog dana 10.09.20087. godine od strane Uprave za indirektno-neizravno oporezivanje Banja Luka,
- Ovjerena kopija Prepisa Uvjerenja o poreznoj registraciji izdanog dana 13.07.2010. godine od strane Porezne uprave-Kantonalni ured Novi Travnik,
- Obavještenje o razvrstavanju pravnog lica prema klasifikaciji djelatnosti br. 04-32,5-377/11 od 14.09.2011.god.,
- Kopija Rješenja o odobrenju za građenje broj: 04/06-23-344/02 a u postupku rekonstrukcije postojećeg poslovnog objekta izdanog dana 02.04.2002. godine od strane Službe za urbanizam, građenje, katastar i imovinsko pravne poslove Općine Travnik,
- Kopija Rješenja o odobrenju za upotrebu broj: 04/06-23-5-3757/05 izdanog dana 28.12.2005. godine od strane Službe za urbanizam, građenje, katastar i imovinsko pravne poslove Općine Travnik,
- Kopija Rješenja o vodnoj dozvoli za korištenje i upotrebu sanitarne, tehnološke i protivpožarne vode te za ispuštanje sanitarno fekalnih voda broj: 05-25-75/19 izdanog dana 05.09.2019. godine od strane Ministarstva poljoprivrede, vodoprivrede i šumarstva Srednjobosanskog kantona,
- Kopija Rješenja o vodnoj dozvoli broj: UP-I/25-3-40-376-4/18 izdanog dana 13.09.2018. godine od strane «Agencije za vodno područje rijeke Save» Sarajevo,
- Kopija Rješenja o obnovljenoj okolišnoj dozvoli broj: 06-23-69/15 izdanog dana 10.12.2015. godine od strane Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona (u postupku izdavanje nove),
- Kopija Izvještaja o monitoringu kvaliteta i kvantiteta otpadnih voda broj: 35/23, siječanj 2023. god urađeni od strane «Inspekt-RGH» d.o.o. Sarajevo,
- Izvještaj o rezultatima ispitivanja tereta zagađenja otpadnih voda TIM «SMAJIĆ KOMERC» d.o.o. Travnik izraženog preko EBS-a broj: 7/21 urađen u ožujku 2021. godine od strane «Inspekt-RGH» d.o.o. Sarajevo
- Tehnički elaborat o ispuštanju otpadnih voda TIM «SMAJIĆ KOMERC» d.o.o. Travnik u naselju Dolac na Lašvi, općina Travnik urađen od strane «HIGRACON» d.o.o. Sarajevo decembar 2015. godine (na uvid),
- Kopija Ugovora o ustupanju animalnog otpada u svrhu ishrane pasa zaključenoga 01.05.2018. godine sa Sefir Halilom iz Travnika (na uvid),
- Dokaz o uplaćenju upravnoj taksi i po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-609-4/23 od 16.01.2024. godine.

Kompleks objekata Travničke industrije mesa (TIM) «SMAJIĆ KOMERC» d.o.o. Travnik smješten je u naselju Dolac na Lašvi uz regionalni put Lašva-Travnik na lijevoj obali rijeke Lašve. Kompleks se sastoji od: objekata za smještaj i pripremu stoke za klanje (stočni depo), objekta za klanje stoke (klaonica), objekta za preradu mesa, pušnice (sušenje mesa), skladišta gotovih proizvoda, ambalaže i aditiva te objekta za smještaj radnika. Prosječan kapacitet prerade je oko 100kg mesa dnevno.

Snabdijevanje vodom za sanitarne i tehnološke potrebe obezbijeđeno je priključkom na vodovodni sistem MZ Dolac dok se sanitarno fekalne vode iz toaleta za uposlene zasebnim kanalizacionim sistemom ispuštaju u septičku jamu.

Za zahvat vode i ispuštanje sanitarno-fekalnih otpadnih voda, od strane Ministarstva poljoprivrede, vodoprivrede i šumarstva Srednjobosanskog kantona, izdato je Rješenje o vodnoj dozvoli broj: 05-25-75/19 izdanog dana 05.09.2019. godine,

Tehnološke otpadne vode nastale od pranja klaonice i objekta za preradu mesa prikupljaju se sistemom tehnološke kanalizacije i odvode do vodonepropusne septičke jame sa prelivom u rijeku Lašvu. Prije ispusta u vodotok izvedeno je kontrolno reviziono okno.

Izvještaj o ispitivanju kvaliteta tehnoloških otpadnih voda se provodi dva puta godišnji i izvještaj br.35/23 izrađen od „INSPEKT RGH“ d.o.o. Sarajevo iz 1/2023, ukazuje da su svi parametri ispuštene vode u lokalni potok (uzorak uzet na ispustu iz septičke jame i revizionog okna) u dozvoljenim granicama sukladno važećoj uredbi o uvjetima ispuštanja otpadnih voda u okoliš i sisteme javne kanalizacije.

Dubrivo iz objekta za privremeni smještaj stoke, se odlaže u vodonepropusnu lagunu a potom odvozi na poljoprivredne površine.

Krv se posebnim sistemom odvodi do okna u koji se postavlja specijalna posuda za prikupljanje krvi. Koža se posoljena skladišti u plastičnim buradima smještenim u posebnoj prostoriji namijenjenoj za čuvanje kože. Krv i koža se pod inspekcijskim nadzorom transportuju u skladu sa važećim veterinarskim propisima. Čišćenje septičke jame vrši ovlaštena komunalna organizacija po posebnom ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1) Zakona o vodama.

Na osnovu provedenog postupka konstatira se da je podnosilac zahtjeva TIM „SMAJIĆ KOMERC“ d.o.o. Travnik, ispunio minimum uvjeta za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanja tehnoloških otpadnih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifli federalnih upravnih taksi («Službene novine Federacije BiH» broj 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- TIM „SMAJIĆ KOMERC“ d.o.o. Travnik, Dolac na Lašvi bb, Travnik.
- AVP Sava, ISV-vodna knjiga
- Sektor 50
- Org.jed. 40 – arhiva
- Oglasna ploča AVP Sava